

公開組

冠軍

王錦洪

風人松 航拍機

往來自在若輕鷗。時逐彩雲浮。望窮滄海塵寰小。翩然去、飛越層樓。誰箇疑窺妝閣。美人羞下簾鉤。迴翔天際任遨遊。俯瞰探奇幽。林泉遠近高低處。憑一鍵、聲影兼收。十里平疇盡覽。今朝麗景長留。

亞軍

何雄光

風人松 練劍

雞啼月落露晨光。利刃閃高崗。綿綿劍意無遲滯。佈天羅、白練飛揚。彷彿騰雲踏燕。誰人敢近鋒芒。童顏卻已髮蒼蒼。吐納細絲長。陰陽經脈春流暖。日高照、物我皆忘。練就虛無劍法。養生寧驚爭強。

季軍

鄒繼洲

風人松 紙鶴

紙筋竹骨喜身輕。方便上青冥。雖無鳥雀雙飛翼。仗風威、也可縱橫。享盡翱翔快意。何愁線斷飄零。休譏束縛若拘囹。擺佈任人繩。自由還勝長安客。絕名利、不用勞形。幸得凌雲一度。已經不負今生。

優異獎

杜文彬

風人松 共享單車

白黃藍綠遍香城。掃碼即騎行。手機掌控隨來去。幾錙銖、幾許途程。一騎紅塵衢處。兩輪暗陌縱橫。吁嗟疵弊漸紛呈。何事擾民生。阻街違泊招淪毀。名共享、其實專營。亟待繩規修例。策商惠眾雙贏。

李裕韜

風人松 蝸牛

蠕行樸拙態紆徐。蹇屈寄微軀。野蔬果腹微羶膩。留蹤處、楹棟沾濡。涎破蒼苔題篆。紋旋玉殼鐫書。未妨終日負吾廬。方寸足安居。園庭幽處堪潛隱。人難察、葉底牆隅。身外蜂衙蟻陣。局門事不關予。

李瑞鵬

風人松 抗日老兵

少年拔劍誓同仇。投筆衛神州。關河萬里冰兼火。沙場上、血淚交流。突襲何珍一命。沖鋒怒裂雙眸。風霜凋敝黑貂裘。零落委山邱。痕痕遍體無人識。閑歲月、白了人頭。過市鬚眉如戟。三杯醉倒南樓。

優異獎

郭維華

風人松 學海書樓

鼎移龍去破天荒。文運歷滄桑。珠羅學海丘墳萃。緗帙紀、金馬玉堂。千載鵑魂蝶夢。榮迴翰墨餘香。蒼涼魯殿曳靈光。人物幾馮唐。名山拾木傳薪火。樓牆內、古韻猶揚。何日爐峰新燕。重尋曲水流觴。

潘金山

風人松 看動版「清明上河圖」

驢聲駝影七香車。汴水畫橋斜。歌坊酒肆槐陰路。遊人笑、知向誰家。浮浪官船傍柳。行塵鳳轎穿花。懸燈曲巷弄琵琶。瓦舍舞嬌娃。綺窗今古華胥夢。依然是、四海繁華。淑氣相通千載。風情未隔天涯。

特別獎

黃山河

風人松 航拍機

恰如塞外秦金雕。來復不辭遙。豁眸憑仗傳佳景。巍峨貌、綵筆難描。何必擒拿狐兔。但教攝取嬌嬈。鯤鵬此日詫鷓鴣。同與傲風颯。微忱寧比圖南志。劫灰地、獨往巡瞭。犯險常為斥候。扶危豈謂功超。

黃芳枚

風人松 瓦爾登湖秋夢

榆黃橡紫蓼汀紅。放棹鏡湖中。鱸魚吹浪萍生沫。寒漪起、嫩嫩西風。四面霜天寥廓。一泓秋水涵空。此情濠濮料相同。逆旅寄塵蹤。林皋舊有漁樵處。盤桓晚、流眄從容。落日銀波激盪。昇嵐翠阜迷濛。

*優異獎及特別獎排名按姓名筆劃序

第二十八屆

全港詩詞

創作比賽填詞

獲獎作品

第二十八屆全港詩詞創作比賽 填詞

公共圖書館自一九九一年起舉辦「全港詩詞創作比賽」，單年比詩，雙年比詞，旨在提高市民之中國語文運用及韻文欣賞的能力。今年舉辦的「第二十八屆全港詩詞創作比賽」，已是第十四度的「填詞比賽」。評審委員有何文匯教授、陳志清教授、陳煒舜教授、黃坤堯教授、鄧佩玲教授及劉衛林教授。

今屆比賽的詞牌為〈風入松〉，題材由參賽者自定。是屆的參賽者非常踴躍，共收到五百多份參賽作品。學生組參賽者來自各大專院校及高中學生；公開組參賽者則來自社會不同階層。是屆參賽者的作品水準甚高，評審委員經初選、複選，反覆討論，才能決定名次。為確保評選公正，整個評審過程採用糊名方式進行。評判團更約見了學生組入選參賽者，並要求入選者即席對聯，才定出優勝作品。

學生組

冠軍

鄧紫瑩 香港樹仁大學

風入松 遊志蓮淨苑

樊籠困羽苦時長。何處避名場。焦琴引路松迎客。鳥聲裡、勸爾尋芳。垂柳早知心事。浮雲欲解愁腸。枝頭花影燕成雙。魚戲繞蓮塘。石龍吐水浮沈際。寺門前、世事思量。濁世豈非輪轉。人間悟卻滄桑。

亞軍

姚正己 香港科技大學

風入松

樓前盡日舞春風。一路斷腸紅。分明滿目山河在。怎禁他、萬疊千重。已立殘陽影裡。何期碎浪聲中。忽驚雲彩去無蹤。海月轉天東。年來念也無多少。便生時、拚作虛空。空到心都空了。可能落得從容。

季軍

廖韋堯 香港城市大學

風入松 重過蘇屋

悵懷蘇屋影翩翩。夢裡草芊芊。燕亭路段風光好。常聞道、當世桃源。可奈樓臺垂老。堪嗟急景難延。離愁十載化新園。人物豈依然。荷花百合知何處。嘆都作、逝水浮煙。賸有梢頭麻雀。啼聲三兩牽纏。

優異獎

田園霏雪 香港中文大學

風入松 清明

牧童歸後少人行。一任斷魂輕。東籬攜酒昏昏過。把黃花、換了清明。山外寒鴉點點。壘頭疏柏青青。風流波轉小魚腥。回首晚芳晴。汀洲柳絮渾難住。憑欄處、水咽煙凝。彈指三生好夢。牽腸一樹啼鶯。

岑昆倫 恒生管理學院

風入松

梨花一夜滿園枝。恰似送君時。舊時月滿牽湖岸。今朝是、如鏡幽池。不許垂楊依戀。翻掀萬道漣漪。嫦娥願嫁弄潮兒。潮月兩相知。從今夢裡君何在。情非盡、更是心痴。醒後春風又再。徒添徹夜相思。

梁采珩 香港中文大學

風入松 暮過沙田公園

漸行漸晚漸涼生。誰在舊池亭。西山空與斜陽鎖。剩波心、水色迷冥。游鯉去來漂沫。睡蓮開合清馨。銷魂如夢夢還驚。終不見湘靈。花凋綠老無人問。伴殘春、數盞昏燈。一自飛流都住。但聞寂寞蛙聲。

優異獎

劉沁樂 珠海學院

風入松 春讀寒玉堂集

半簾香雨逐芳菲。惹綠亂繁絲。銅盤滴淚誰堪記。剩猿嘯、濁酒三杯。無奈異鄉飄泊。落紅煙暝淒迷。登臨東苑寄相思。容易又春歸。當年閑步瓊樓下。玉階冷、孤燕徘徊。油壁香車消盡。海棠清夢難辭。

黎健圖 香港樹仁大學

風入松

庭前花木少年心。春去自消沈。相思不減從前貌。人已老、故地重臨。惟憶當年信諾。誰曾記取如今。驚鴻過盡有餘音。往事莫追尋。斜陽默照漂零客。多少淚、皆付蟬吟。寂寂空園行遍。誰聞一曲情深。

特別獎

陳志輝 香港樹仁大學

風入松 登樓懷舊

夕陽西下晚來秋。游子獨登樓。舉杯對月相邀飲。多少情、湧上心頭。遙望遠方家國。更添幾縷新愁。哀愁易放卻難收。何以解吾憂。昔時風物今何在。憶當年、情意悠悠。惆悵佳期渺渺。怕看江水長流。

霍詠儀 香港樹仁大學

風入松 詠蟬

人間獨步早秋時。翠蓋自葳蕤。應緣飲露無求飽。聲嘹唳、乍起涼颼。薄翼翩翩濁世。清商最發高枝。仰天太息玉纓垂。澹泊始能持。不聞朝市平常事。歲虛設、度看星移。盡把塵心淨洗。算來只有蟬知。